

## Lii mávsulâš leđe jieijâslágán

Mii lii škovlârávhu? Škovlârávhoin puáhtá leđe sierâ merhâšume puohháid. Škovlârávhu puáhtá merhâšid tom, ete puohah pasteh oovdânpyehtid jieijâš nuuvt, ete ij taarbâš poollâđ iärásij tuommiimist teikâ kiivsedmist. Puohâin lii torvolâš tobdo škoovlâst já puohah kunnijâteh iärásij persovnlíi saje.

Juáhâš lii vissásávt kuásnii tubdâm, ete lii ereslágáneh ko iäráseh teikâ ete ij kuulâ juávkun. Puohâin lii vuoigâdvuotâ leđe jieijâslágán já juáhâš lii tehálâš tagarin ko lii. Oovtâst mij lep mahte šaddonijtto. Mij puohah liäđđup jieččânnáál. Mij lep jieškote-uv ivnâsiih, jieškote-uv hámâsiih, áinooluándusiih já muččâdeh. Tiptop jyehi kuká liäđđud tagarin ko lii. Lii mávsulâš leđe jieijâslágán! Ij ohtâgin páárnâš, nuorâ teikâ rävisolmooš kolgâččii tubdâđ olgoštem teikâ kivesdem tondiet ko lii ereslágán ko iäráseh. Juáhhâst lii vuoigâdvuotâ leđe eidu tagaar ko lii.

Kivesdem sosiaallii mediast lii kivesdem siämmáánáál. Ele almostit maiden, maid jieš jieš halijdiččii, ete tust čálloo. Niävrruttem neetist puáhtá leđe jobâ viärráb ko njunáluvâi, tast ko tot siskáldâs lii uáinimnáál joba čuođijdtuháttijd ulmuid. Šiev válduraavâ lii "lattii iärásijguin, mahte halijdiččih et iäráseh láttejuh tuin".

Maailm ličij čapisvielgâd, ahheev já niävrráá, jis mij puohah kolgâččijm šiettâđ siämmáá myensterân. Tot ij lah eestâ jis lii ereslágán, tot lii pic máhđulâšvuotâ. Oovtâst mij pyehtip tuárjuđ já movtjiddiid iärásijd leđe jieijâslágáneh. Tuostâ nievdâđ já tuostâ leđe tun!

Škovlâráávhu julgâštus 23.8.2023

Koulurauha  
Skolfreden 

